

**OTKRIVAMO** Razgovor Barišića i Budimira**'ŠEFE, ZAVRŠI
ONO I BIT ĆE
NA KAFU'**

**Za predsjednika FBiH i još osam osoba zatražen jednomjesečni pritvor
• Najveća antikorupcijska akcija od Dejtona, kaže Tužilaštvo BiH**



Izvođenje osumnjičenih u tri velike akcije: Na teretu teška krivična djela

(Foto: S. Saletović)


Predsjednik Federacije Bosne i Hercegovine Živko Budimir, koji je u petak uhapšen zbog zloupotrebe položaja, primanja i davanja mita,

noć nakon hapšenja proveo je u prostorijama Državne agencije za istrage i zaštitu (SIPA) u Istočnom Sarajevu, a jučer je, pod pratnjom policijskih službenika, isporučen

Tužilaštvu BiH. Od Suda BiH jučer je za Budimira i ostale zatražen jednomjesečni pritvor zbog opasnosti od bijega i utjecanja na svjedoke. **2.,3.,4. i 5. strana**

Skandalozno: Propada rezidencijalni objekt**POPUČALI ZIDOVI U
SLAVNOM KONAKU**

9. str.



MOSTAR

**Ibro Basara na
zadnjem točku
ušao u Ginisa**

7. str.

**NEDJELJNA
panorama**
Dnevni avaz

Dule VAN GOGH
Note su mi
bile sudene

Dragan
MARINKOVIĆ
Posljednja
predstava
kojom je
sudar ljude

Novina
u novini
Nurkić
na timu

Sođa
ANTIĆ
Edis čita
život i
genesiš
čitav život


**U ulozi
alkoholičarke**

Abaz Arslanagić • DJ El Karinho • Marko Trbić • Reportaža: Komo

Život: Nesvakidašnja priča iz Živinica

**BLIZANCI
ENIS I EDIS
POVEZANI
TELEPATSKI**

7. str.

**Doboj: Nakon što je svirepo ubio punicu**

**BIBEROVIĆ RANIO
SUPRUGU PRED
KĆERKINIM OČIMA**

16. strana

Pripreme: Uskoro zapošljavanje

**NA POPISU ĆE RADITI
SAMO ONI S ČITKIM
RUKOPISOM**

10. strana



NJEMAČKA

**Salihović
napokon
strijelac**

59. strana



Pripremljen bogat kulturno-zabavni program
Svečanost u Cazinu

Otvoren Trg Alije Izetbegovića

► Trg prvog predsjednika Predsjedništva Republike BiH Alije Izetbegovića jučer je svečano otvoren u općini Cazin, uz prisustvo brojnih građana, gostiju i predstavnika vlasti. Svečano otvorenje bilo je popraćeno bogatim kulturno-umjetničkim programom, na kojem su učesnici uzeli isključivo cazinski umjetnici. **A. D.**

Tuzla Prevenција jezika mržnje

► Novinsko vijeće časti BH novinari i Vijeće Evrope u Tuzli održali su radionicu o temi „Jezik mržnje u javnom prostoru: odgovornost novinara i urednika u prevenciji jezika mržnje kroz medijske sadržaje“, na kojoj su zaključili da govor mržnje u bosanskohercegovačkim medijima nije nestao, nego je evaluirao i čita se između redova.

Logoraši



Mešković: Novi predsjednik

Izabrani čelnici

► Za novog predsjednika Saveza logoraša BiH izabran je Jasmin Mešković. Mešković je u proteklom periodu obavljao dužnost predsjednika Udruženja logoraša Tuzlanskog kantona.

RS

Pomoć za proizvođače

► Premijerka Republike Srpske Željka Cvijanović i ministar poljoprivrede, šumarstva i vodoprivrede Stevo Mirjančić najavili su jučer u Bijeljini maksimalnu pomoć institucija proizvođačima i pretrađivačima u oblasti poljoprivrede u Semberiji.

SARAJEVO Državno tužilaštvo ispitalo Budimira i ostale te zatražilo pritvor

Najveća antikorupcijska akcija u BiH od Dejtona

Predsjednik FBiH uhapšen zbog zloupotrebe položaja te primanja mita • Svi osim Jurčevića branili se šutnjom • Akcija se nastavlja, poručio Grubešić

Predsjednik Federacije Bosne i Hercegovine Živko Budimir, koji je u petak uhapšen zbog zloupotrebe položaja, primanja i davanja mita, noć nakon hapšenja proveo je u prostorijama Državne agencije za istrage i zaštitu (SIPA) u Istočnom Sarajevu, a jučer je, pod pratnjom policijskih službenika, isporučen Tužilaštvu BiH. Za Budimira je jučer zatražen jednomjesečni pritvor, a ročište tim povodom na Sudu BiH sinoć nije okončano do zaključenja ovog izdanja.

Jurčevićev iskaz

U opsežnim akcijama SIPA-e koje su se odvijale u Sarajevu i Mostaru uhapšeno je, osim Budimira, još 19 osoba, a, prema riječima portparola Tužilaštva BiH Borisa Grubešića, za devetoricu osumnjičenih Sudu BiH će biti upućen prijedlog za

određivanje mjere pritvora.

- Od devet osumnjičenih, četiri su iz akcije kodnog naziva „Memory“, što znači da su osumnjičeni za organizirani kriminal i neovlašteni promet opojnih droga. Također, bit će predloženi pritvor za ukupno pet osumnjičenih iz predmeta kodnih naziva „Patriot“ i „Pravda“ - naveo je Grubešić.

Kako je pojasnio, prijedlog za određivanje mjere pritvora bit će upućen, osim za Budimira, i za Petra Barišića, njegovog savjetnika, te Sauda Kulosmana, Ivana Jurčevića, Hidajeta Halilovića, predsjednika Komisije za pomilovanje. Ove osumnjičene je, u prisustvu njihovih odvjetnika, saslušao i ispitao tužilac istražnog tima.

- Svi osumnjičeni branili su se šutnjom, osim Jurčevića, koji je dao iskaz u svoju odbranu. Tužiteljstvo će prema



Izvođenje dijela osumnjičenih: Postoji opasnost od bjekstva

(Foto: S. Saletović)

Sudu BiH uputiti prijedlog za određivanje mjere pritvora u trajanju od 30 dana zbog mogućnosti bijega, jer neki od osumnjičenih posjeduju dvojno državljanstvo, te zbog postojanja opasnosti da bi oni boravkom na slobodi mogli ometati istragu i vršiti utjecaj na svjedoke i saučesnike - kazao je Grubešić.

Još jedan od razloga za određivanje mjere pritvora Grubešić je naveo način izvršenja ovog krivičnog djela koje je, prema njegovim riječima, izazvalo uznemirenost javnosti u BiH.

Odjek u regionu

- Tužiteljstvo nastavlja istragu o ovom predmetu u pravcu podizanja optužnice. Radi se o najopsežnijoj akciji u postdejtonskoj BiH kada je riječ o otkrivanju koruptivnih krivičnih djela čiji su počinitelji visoki

Umjesto Karkina, odbranu preuzeo Ragib Hadžić

Iako je prvobitno angažiran Fahrija Karkin kao Budimirov branilac, on je jučer rekao da više ne obavlja tu funkciju. Odbranu Budimira preuzeo je advokat Ragib Hadžić. On je jučer u izjavi za naš list kazao da njegovog klijenta istražitelji nisu ispitivali te da je razgovor s Budimirom

obavio samo on kao advokat. - Budimir je iz prostorija SIPA-e premješten u prostorije Tužilaštva BiH. Tu će biti, najvjerovatnije, 24 sata, dok se ne vidi hoće li Tužilaštvo ići s prijedlogom za određivanje pritvora - tvrdi Hadžić, kazavši da je stvar taktike odbrane kako će se braniti njegov klijent.

dužnosnici - istaknuo je Grubešić.

Budimir je uhapšen u jednoj od najvećih antikorupcijskih akcija u regionu, poput hapšenja bivšeg hrvatskog premijera Ive Sanađera ili Miroslava Miškovića u Srbiji. Podsjećamo, predsjednik FBiH osumnjičen

je da je uzimao mito za pomilovanje najtežih kriminalaca, među kojima je i okorjeli kriminalac Mirso Švicarac. U svojoj misiji oslobađanja ubica, silovatelja, nasilnika „spasitelj“ je pomilovao 162 osuđenika i spasio ih više od 60 godina zatvora.

S. BANDIĆ



Grubešić: Idemo u pravcu podizanja optužnice

Uspjeh 'Avazovog' portala

Portal „Dnevnog avaza“, koji je ubjedljivo najčitaniji u BiH, tokom jučerašnjeg dana zabilježio je ogroman broj posjeta. Gotovo 600.000 osoba pr-

atilo je naš portal, a najviše čitalaca, njih oko 100.000, tokom cijelog dana pratilo je „live“ prijenos hapšenja Živka Budimira.

Saopćenje povodom akcije hapšenja Budimira

SDP: U SDA je zavládala panika

Socijaldemokratska partija (SDP) BiH daje punu podršku institucijama države i pozdravlja konkretne aktivnosti koje se poduzimaju u borbi protiv organiziranog kriminala i korupcije, saopćeno je jučer iz ove stranke. - Naš stav je uvijek bio da niko ne smije biti iznad zakona,

ne smije biti nedodirljivih i svi moraju odgovarati za svoje postupke, bez obzira o kome se radi. Panika u pojedinim političkim strankama kao i njihove reakcije, prije svega SDA, najbolje ilustriraju zapravo samo njihovu ulogu i dugogodišnji doprinos stanju i beznađu u kojem



se Bosna i Hercegovina već izvjesno vrijeme nalazi - kažu iz SDP-a.

U SDP-u naglašavaju da je žalosno na koji način javni

servis građana - Federalna televizija (FTV) igra igre određenih političkih centara moći i pokušava optužiti ministra pravde Zorana Mikućlića, koji s odlukama o pomilovanju nema nikakve veze.


- Ministar po zakonu ne učestvuje u radu Komisije za pomilovanje već samo potpi-

suje prijedloge te komisije u onom obliku u kojem su predložene. To je jasno i FTV-u. SDP BiH će i dalje istrajavati na konačnom obračunu sa svim oblicima kriminala i mafijaških struktura u našoj zemlji, svidalo se to kome ili ne - navode u ovoj stranci.

EKSKLUZIV

Otkrivamo detalje s ispitivanja osumnjičene grupe

Barišić Budimiru: 'Šefe, ono treba završiti, bit će na kafu!'



Barišić: Tražio 20.000 KM



Budimir: Branio se šutnjom

Armin Kulovac, od kojeg je akcija praćenja i počela, priznao sve istražiteljima • Kulosman i Barišić se nadmetali oko cijene pomilovanja • Budimir zaboravio i svoje brojeve telefona

Ispitivanje Živka Budimira i 19 osumnjičenih, uhapšenih u petak u akciji kodnih naziva „Memory“, „Patriot“ i „Pravda“, u Agenciji za istrage i zaštitu BiH (SIPA) trajalo je, kako „Avaz“ saznaje, do jutarnjih sati u subotu. Nakon saslušanja većina uhapšenih priznala je krivična djela koja im se stavljaju na teret, a mnogi od njih će, kako saznajemo, dobiti status svjedoka u ovom predmetu. Neki su se, pak, branili šutnjom.

Izbačen iz igre

Prema nezvaničnim informacijama, Živko Budimir, Petar Barišić, Hidajet Halilović i Saud Kulosman su se tokom ispitivanja, također, branili šutnjom. Budimir, koji ima više mobilnih telefona, tokom ispitivanja u SIPA-i odjednom se nije mogao sjetiti ni brojeva koje koristi!?

Armin Kulovac, od kojeg

je akcija praćenja i počela kada je tražio vezu da plati mito da bi njegov brat Admir Kulovac, koji je osuđen zbog silovanja i posjedovanja droge, bio pomilovan, kako nam je iz izvora bliskih istražiteljima potvrdeno, priznao je sve. Rekao je da bi „opet isto učinio samo da bi njegov brat bio na slobodi“.

Kako „Avaz“ ekskluzivno saznaje, u želji da njegov brat bude pomilovan, Armin je prvo preko dvojice sarajevskih taksista kontaktirao Kulosmana, koji je bio posrednik u „sređivanju“ pomilovanja. Kulosman mu je obećao srediti pomilovanje te je za tu uslugu tražio prvo 50.000, a zatim su cijenu spustili na 47.000, pa na 45.000 KM.

Tako visoku cijenu Kulo-

sman je pravdao kazavši da mora „počastiti“ Komisiju za pomilovanja i druge Budimirove ljude od povjerenja.

Kulovac je, navodno, Kulosmanu često izvodio računa i čašćavao po sarajevskim lokalima u nadi da će mu „završiti“ bratovo pomilovanje. No, Kulosman ga je zavlacio te je Kulovac odlučio potražiti drugu vezu i stupio je u kontakt s Barišićem, Budimirovim savjetnikom. Barišić mu je obećao srediti pomilovanje za mito od 20.000 KM, ali pod uvjetom da to Kulosman ne zna. Naime, Barišiću su se osladile pare pa je pokušavao Kulosmana izbaciti iz igre.

Kulovac je na to pristao te mu je Barišić dao ime treće

50 hiljada KM Kulosman tražio od Kulovca da kod Budimira isposluje pomilovanje

osobe na čiji će račun uplatiti dio novca, što je Kulovac i učinio. No, sve su to pratili i dokumentirali istražitelji, pa i na dan kada je Barišić otišao s osobom čiji je broj žiroračuna dao Kulovcu u banku da podigne novac. Dokumentirani su i mnogi razgovori između Budimira i Barišića o pomilovanjima. U jednom od njih Barišić govori Budimiru: „Šefe, ono treba završiti, bit će i na kafu.“

Uplata novca

Većina uhapšenih opisala je svoju ulogu u kriminalnim radnjama oko pomilovanja te nije bilo razloga za njihovo zadržavanje. Oni će, kako saznajemo, svjedočiti protiv glavnoosumnjičenih. Podsjećamo, pretresi su izvršeni na ukupno 23 lokacije na širem području BiH, a akcijom su dirigirali državni tužioci Oleg Čavka i Diana Kajmaković te kantonalni tužilac Sanin Bogunić.

Am. KOVAČ

Federalni ministar pravde Zoran Mikulić pojasnio

Komisija za pomilovanja ne postupa po nalogu ministra

Komisija za pomilovanja kao nezavisni stručni organ ne postupa po nalogu ministra u predmetima rješavanja molbi za pomilovanja, izjavio je jučer federalni ministar pravde Zoran Mikulić, dan nakon hapšenja predsjednika FBiH Živka Budimira zbog sumnji da je naplaćivao pomilovanja osuđenih kriminalaca.

Mikulić je kazao da se radi o slučaju gdje je Komisija postupala na osnovu mišljenja službi iz ustanove gdje je osoba izdržavala kaznu zatvora i dala mišljenje o smanjenju kazne za

tri mjeseca. On je rekao i da će istraga Tužilaštva BiH u vezi s tim slučajem pokazati kako su tri mjeseca pretvorena u dvije i nešto godine, zatim je li tu bilo nezakonitosti, kao i sve druge okolnosti slučaja.

Dodaje i da postoje osnovi sumnje da su se korupcijom kupovala pomilovanja i za to, kako je rekao, ukoliko se isto pokaže tačnim, treba odgovarati.

- Mišljenje koje je Komisija dala na tri mjeseca ja sam, kao rukovodilac organa, potpisao, kao i svaki drugi akt Ministarstva, jer me zakon na to obavezuje.

Ministar je dužan u određenom roku izvještaj Komisije koji sadrži i prijedlog Komisije prosljediti predsjedniku FBiH na odlučivanje. Naravno da te akte Ministarstva potpisuje ministar. Ostale laži i pokušaje podmetanja iz SDA i njenih medija ne treba komentarisati, neka istražni organi rade svoj posao i istina će tako najbolje isplivati na vidjelo - naveo je Mikulić.

F. K.



MIKULIĆ: Neka istražni organi rade svoj posao

Komentar dana

Piše: Fahir KARALIĆ

(fkaralic@avaz.ba)



Ko će Živka pomilovati

Pokušaji politizacije hapšenja vrijeđaju inteligenciju građana i poštene istražitelje

Dan su razmišljali u Stranci demokratske akcije, a u Stranci pravde i pomirenja ni toliko, i odlučili da ipak pokušaju ispolitizirati posljednju uspješnu akciju bh. istražnih organa, koji su u petak uhapsili predsjednika Federacije BiH Živka Budimira i njegove saučesnike koji se sumnjiče za brojne kriminalne i koruptivne radnje.

Niko nije ni sumnjao da će to i pokušati, jer su mnogi od njih zadržali kada su čuli vijest o hapšenju. Možda najviše potpredsjednik SDA Asim Sarajlić, kojeg su inspektori SIPA-e zatekli u Budimirovom uredu.

Istina je da je FBiH mjesecima u blokadi zahvaljujući ponajprije Živku Budimiru. Međutim, da se njegovim hapšenjem željela ubrzati rekonstrukcija vlasti, valjda bi to bilo urađeno još prije godinu, s obzirom na to da je pomilovanja za novac Budimir potpisivao od početka svog mandata.

Nešto slično moglo je biti urađeno i u slučaju ministra u Vladi FBiH Jerka Ivankovića Lijanovića, koji bi, prema informacijama koje dolaze iz „Hypo Alpe-Adria banke“, mogao dolijati vrlo brzo, s obzirom na to da Austrijanci navodno posjeduju brojne dokaze da ih je oštetio za desetine miliona maraka.

No, iz SDA i Budimirove stranke po ko zna koji put potcjenjuju inteligenciju bh. građana koji se, ustvari, samo pitaju ima li iko ko će Živka pomilovati, makar u zatvoru. Ako bi se vodilo tom logikom, nikada niko, kao ni do sada, ne bi bio procesuiran za kriminal i korupciju, jer politička previranja u BiH traju od '95. Srećom, bh. istražni organi počeli su konačno primjenjivati evropska pravila prema kojima ne postoji loš trenutak da počinilac krivičnog djela bude procesuiran te time pokazali da niko, bez obzira na funkciju, nije iznad zakona.

www.avaz.ba



PORTAL - komentar dana

Čombe uvrijedio Kalesijce

Serijski je sigurno jedna od najboljih od dolaska televizije na ove prostore. Zato molim sve spomenute u seriji, ako se prepoznaju, da to shvate kao istinski i zdravi humor.

Ante Jerković

517.141

posjeta na portalu „Dnevnog avaza“ jučer je zabilježila „Google Analytics“.

Hapšenje Budimira početak je obračuna s korupcijom u BiH!

Pitanje: Je li hapšenje Živka Budimira početak obračuna s kriminalom i korupcijom?

A) Da 86,1 %
B) Ne 11,2 %
C) Ne znam 2,7 %



NAJPOSJEĆENIJI PORTAL U BiH

O aktuelnim pitanjima u BiH i svijetu možete glasati svakog dana na www.dnevniavaz.ba.